

КАФИСТ

СВЯТОМУ
ПРЕДТЕЧЕ И
КРЕСТИТЕЛЮ
ГОСПОДНЮ ИОАННУ



Тропарь, глас 2.

Память праведнаго с похвалами,/ тебе же довлеет
свидетельство Господне, Предтече:/ показал бо ся еси
воистинну и пророков честнейший,/ яко и в струях
крестити сподобился еси Проповеданнаго./ Темже за
истину пострадав, радуяся,/ благовестил еси и сущим во
аде Бога, явльшагося плотию,/ вземлющаго грех мира//
и подающего нам велию милость.

Кондак, глас 8.

Плотскаго Твоего пришествия убояся,/ Иордан
страхом возвращашеся;/ пророческое же служение
исполняя,/ Иоанн трепетом спряташеся;/ Ангельския
чини ужасахуся,/ зряще Тя, во струях плотию крещаемая;/
и вси, сущии во тьме, озаряхуся,// воспевающе Тя,
явльшагося и просветившаго вся.



АКАФИСТ

святому Предтече и Крестителю Господню Иоанну.


Кондак 1.

Избранный от лет древних быти Предтечею и Крестителем Спасителя мира Христа Бóга, Иоáнне богохвáльне, прославляюще прослáвльшаго тя Гóспода, похвáльная восписúем ти, я́ко бóльшему всех рождéнных жена́ми, во плóти áнгелу, покая́ния проповéднику. Ты же, я́ко имéяй вéлие дерзновéние ко Гóсподу, от всяких бед свободя́я и к покая́нию воздви́жай нас, любóвию тебе́ зовúщих:

Ра́дуйся, вели́кий Иоáнне, Проро́че, Предте́че и Крестителю Гóсподень.

Икос 1.

Арха́нгел Гаври́л, предсто́яй пред Бóгом по́слан бысть ко иере́ю Заха́рии, егда́ то́й, служа́ по чи́ну чреды́ свое́я, вни́де покади́ти в це́рковь Гóсподню, и, предста́в одесну́ю олта́ря кади́льнаго, благовествова́ше о твоём рождестве́, вели́кий Иоáнне, возвеща́я Заха́рии ра́дость и весе́лие и





яко мнози о рождествѣ твоѣм возрадуются. Сего ради и мы, дѣвному о тебѣ Божію благоволенію чудящися и радующися, со благоговѣніем в похвалу тебѣ вопіемъ:

Радуйся, Совѣта Божія неизреченнаго тайнниче; радуйся, дѣвнаго смотрѣнія Его исполненіе. Радуйся, прѣжде лет многих пророчеством Исаіи проявленнѣй; радуйся, вѣстниче пред лицем Господним, древне прореченнѣй.

Радуйся, предназначеннѣй бѣти великим пророком Вышняго; радуйся, по обетованію Ангела рожденнѣй.

Радуйся, еще во чреве матере твоея Духа Святаго исполненнѣй; радуйся, прѣжде рождества твоего на великое служеніе извещеннѣй.

Радуйся, неплодства родителей разрешеніе; радуйся, иерея Божія радость и веселіе.

Радуйся, дщере Аароновы прозябеніе; радуйся, плод молитвы благодарованный.

Радуйся, великий Иоанне, Пророче, Предтече и Крестителю Господень.

Кондак 2.

Видя Захарія явльшагося ему Ангела, смутися, и страх нападе на нь, и не верова словесем благо-





вѣстiя егѡ о рождествѣ твоѣм: егда же за невѣрие
немотѡю связан бысть, удивляшеся преслѣвному
чудесi, всем сѣрдцем вопиѧ Бѡгу: **Аллилуиа.**

Икос 2.

Разум неуразумеваемый разумѣти ищуще
людиѣ, ждуще Захарiю, чудяхуся, умѣдлившу ему
в цѣркви; изшедшу же ему и не мѡгущу глаголати
к ним, но токмо помавающе, разумѣша вси, яко
видѣние видѣ в цѣркви. Мы же, прославляюще
дiвнаго Творца чудес, Бѡга, вопиѣм тебѣ таковаѧ:

Радуйся, благiй виновниче безгласiя отча;
радуйся, слез матери твоеѧ пременение на
радость.

Радуйся, тоѧ поношенiя в людѣх отъятие;
радуйся, великое рѡждшим тя утешѣние.

Радуйся, яко в шестый мѣсяц о зачатiи твоѣм
Пресвятѧ Дѣва Марiя в Назарѣте от Ангела
известiся; радуйся, яко о рождествѣ твоѣм
мнози возвеселишася.

Радуйся, яко имя благодѣтное от Ангела наречѣн-
ное, получивый; радуйся, яко именем твоим
немотствование отца твоегѡ Захарiи разрешiся.

Радуйся, яко имя Бѡжие о тебѣ отцем твоим бла-
гословiся; радуйся, яко о чуднем рождествѣ тво-
ѣм страх и удивленiе в ѡкрест живущих явiся.



Ра́дуйся, я́ко по всей странé Иудейстей о дивнем
рождествé твоём возвесті́ся; ра́дуйся, я́ко тобою́
спасéние мно́гим в міре сем яв́ися.


**Ра́дуйся, вели́кий Иоáнне, Проро́че, Предте́че и
Кресті́телю Господень.**

Кондак 3.

Сі́ла Вѣ́шняяго разреші́и непло́дство заматорѣ́вша
во днех сво́их пра́ведныя Елисаветы; зачат бо ты,
сла́вный Предте́че Господень, и тая́шеся ме́сяц пять,
глаголю́щи: «Я́ко та́ко мне сотвори́ Госпо́дь во дни,
в ня́же призре́ отъя́ти поноше́ние моё в челове́цех». Егда́ же
прия́т Имущую во чре́ве Христа́, испо́лнися
Ду́ха Свя́та и возопі́ гласом ве́лиим: «Отку́ду мне
си́е, я́ко при́иде Ма́ти Го́спода моего́ ко мне!» С
Нею́же ра́дующися, зыва́ше Бо́гу: **Аллилу́иа.**

Икос 3.

Име́яй предъити́ пред Го́сподем ду́хом и сі́лою
Илиино́ю, ещѣ́ из чре́ва ма́тере твоея́ испо́лнился
еси́ Ду́ха Свята́го, ото́нюдоуже и Проро́к дивный
показа́лся еси́, егда́ во утробѣ ма́тере твоея́ сый,
взыгра́лся еси́ ра́дощами пришѣ́ствию Ма́тере Го-
сподни. Бо́га бо позна́л еси́ носі́ма в ложесна́х
Благодáтныя и Того́ ма́терним гласом проповѣ́дал





еси; подобаше бо Божественных вещей преславным быти началом. Сему́ убо благоговейно удивляющися, с радостью тебе вопием:

Радуйся, еще во утробе матерней предпославшаго тя Господа чудным веселием предъявивый; радуйся, яко тебе ради и матери твоей Елисавете воплощение Христово открыся.

Радуйся, яко и та исполнися Духа Свята; радуйся, яко и она предивная пророчица явися.

Радуйся, яко от нея Пресвятая Дева Мария Блаженною в женах наречется; радуйся, яко тою Она и Материю Господа наименовася.

Радуйся, яко и безсеменный плод Той Благословенным пронаречется; радуйся, Премудрости Божественныя предъявление.

Радуйся, святого супружества благословение; радуйся, неплодных ложесн дивное прозябение.

Радуйся, рождением твоим удививый люди; радуйся, светлый Слова гласе.

Радуйся, великий Иоанне, Пророче, Предтече и Крестителю Господень.

Кондак 4.

Бурею сомнения смущенный, иерей Захария не можаше, по словеси ангельскому, проглаголати.





Егда́ же по рождествѣ твоѣм, Предтѣче Господень, написá благодáтное ѡмя твоѣ, áбие отверзóшася устá и языкъ егó, и глагóлаше, благословя́ Бóга, и прорóчества, глагóля: «Благословѣн Господь Бог Изра́илев, ꙗко посетíи и сотвори́ избавлѣние лю́дем Своѡм, и ты, отрочá, Прорóк Вѣшняго наречѣши-ся», – поя́ Тому́: Аллилу́иа.

Икос 4.

Слѣшаша о́крест живúщи лю́дие о преслáвнем и чúдном рождествѣ твоѣм, со удивлѣнием глагóлаху в себѣ: «Что úбо отрочá сие́ бúдет?» Мы же ты, преслáвный Предтѣче Господень, ꙗко бóльша всех рождѣнных жена́ми, достóйно чтúще, ублажа́ем сйце:

Рáдуйся, от зачáтия твоегó благодáтных явлѣний испóлненный; рáдуйся, в рождествѣ твоѣм Бóгом прослáвленный.

Рáдуйся, во младѣнчествѣ твоѣм от отцá твоегó Прорóком Вѣшняго наречѣнный; рáдуйся, во óтрочествѣ твоѣм Дúхом Святы́м просвещѣнный и укреплѣнный.

Рáдуйся, Бóга воплотívшагося срóдник по плóти бывый; рáдуйся, от Бóга высóкое звáние Предтѣчи и Крестítеля приѣмый.



Ра́дуйся, заре́, свет но́вый ми́ру возвесті́вшая;
ра́дуйся, звездó, путь, ведúщий ко Христу́,
осветі́вшая.

Ра́дуйся, деннице́ Со́лнца незаході́мага;
ра́дуйся, светі́льнице́ Свѣта неугаса́емаго.

Ра́дуйся, путь грядúщему Христу́ уготовля́яй;
ра́дуйся, а́нгела и челове́ка в себѣ явля́яй.


**Ра́дуйся, вѣликий Иоáнне, Проро́че, Предте́че и
Кресті́телю Господень.**

Кондак 5.

Богопроті́вное велѣние беззакóннаго детоубій-
цы Ёрода изгна́ тя из до́му о́тча в непроходnúю
пусты́ню, носі́ма ма́терию, Предте́че Господень,
иде́же и пребыва́л еси́ до дне явлѣ́ния твоего́ ко
Изра́иллю, яды́й акри́ды и мед дівий и Бо́гу вопія́:
Аллилу́иа.

Икос 5.

Ві́дяще дівное Бо́жие о тебѣ промышлѣ́ние,
Иоáнне богохва́льне, я́ко от младенческих пелѣ́н
пóстническаго житія́ любі́тель показáлся еси́,
отню́ду же во́лею Вѣ́шняго по́слан был еси́ пропо-
вѣдати лю́дем грядúщее во Христе́ спасѣ́ние. Сего́
ра́ди со удивлѣ́нием и любóвию тебѣ́ взывáем:





Ра́дуйся, я́ко, е́щё младе́нец сый, ца́ря Ёрода
устраши́л еси́; ра́дуйся, от на́праснаго уби́ения
тем десни́цею Вы́шняго сохрани́нный.

Ра́дуйся, пусты́ни шипо́к благово́нный; ра́дуйся,
высо́тою по́двигов твои́х всех удиви́вый.

Ра́дуйся, пра́ваго пу́ти ве́рный указа́телю;
ра́дуйся, чистоты́ и целому́дрия предив́ный
храни́телю.

Ра́дуйся, ева́нгельскаго самоотверже́ния о́бразе
совершенство́нный; ра́дуйся, мона́шествующих пок-
ро́ве и утвержде́ние.

Ра́дуйся, богосло́вствующих умо́в просвеще́ние;
ра́дуйся, грешным милосе́рдия Бо́жия двэри от-
верза́й.

Ра́дуйся, ка́ющимся грешником от Го́спода про-
ще́ние подава́й; ра́дуйся, плоды́ досто́йны по-
кая́ния твори́ти помога́й.

**Ра́дуйся, вели́кий Иоа́нне, Проро́че, Предте́че и
Крести́телю Госпо́день.**

Кондак 6.

Пропове́дник сла́вный ты, божество́нный
Предте́че, показáлся еси́ в пусты́ни Иорда́нстей во
дни явле́ния Христа́ Бо́га ми́ру, Сего́ бо, Гряду́щаго
к тебе́, показáл еси́ лю́дем, глаго́ля: «Се, А́гнец





Божий, вземляй грехи мира». – Егоче мы верою познавше, поем Ему: Аллилуиа.

Икос 6.

Воссиял еси свет истины, Иоанне богопросвещенне, всем являяй славы Отчия сияние, явльшееся плотики нас ради. Вопиял бо еси в пустыни людем: «Покайтесь, приближи бо ся Царствие Небесное; сотворите плоды достойны покаяния. Се бо грядет по мне, Иже крестит вы водою и духом». Сего ради похвальная тебе вопием:

Радуйся, пришествия Мессии возвестителю;
радуйся, путей Господних уготователю.


Радуйся, ветхия и новыя благодати ходатаю;
радуйся, пророков пределе и начало апостолов.

Радуйся, гласе Слова благознаменитый; радуйся, покаяния проповедниче велегласный.

Радуйся, многих сынов Израилевых ко Господу обративый; радуйся, люди совершенны Господеви уготовавый.

Радуйся, фарисеев и саддукеев дерзновенно обличивый; радуйся, плоды достойны покаяния творити научивый.

Радуйся, просвещения духовнаго указателю;





ра́дуйся, и́щущим предста́тельства твоего́
неусы́пный засту́пниче.

**Ра́дуйся, вели́кий Иоа́нне, Проро́че, Предте́че и
Крести́телю Господень.**

Кондак 7.

Хотя́щу от тебе́ креститься́ Го́споду Иису́су,
Иоа́нне богоблаже́нне, глаго́лал еси́: «Аз тре́бую
Тобо́ю креститься́», – о́баче повиню́ся, ре́кшу
Тому́: «Оста́ви ны́не», – воздвигл еси́ десни́цу твою́
на главу́ Его́ и, крестив не тре́бующаго очище́ния,
вопиа́л еси́: **Аллилу́иа.**

Икос 7.

Но́вую пода́я благодать креститься́ изво́ливый
от тебе́ Господь, сподо́би тя Ду́ха прише́ствие
видети и глас О́тческий с небесе́, свиде́тельствую-
щий Его́ Сыно́вство, слы́шати. Отню́дуже в Три́ех
Ли́цах Еди́ному Бо́гу поклоня́тися нас научи́л еси́,
Его́же брэнными прославля́юще устна́ми, в похва-
лу́ сия́ тебе́ прино́сим:

Ра́дуйся, Тро́ического Богоявле́ния пе́рвый
пропове́дниче; ра́дуйся, в Три́ех Ли́цах Еди́наго
Бо́га и́стинный поклонниче.

Ра́дуйся, Ду́ха Свята́го в ви́де голу́бине ясно-





зрѣтелю; радуйся, снисхождѣнія Егѡ от Отца на Сына свидѣтелю.

Радуйся, гласа с Небесѣ от Бѡга Отца слышателью; радуйся, явлѣнія любвѣ Отчи к Сыну созерцателью.

Радуйся, Сына Бѡжия избранный Крестителью; радуйся, воли Егѡ святыя исполнителю.

Радуйся, славнаго служѣнія спасѣнію рода человѣческаго ревностный рачителью; радуйся, великаго Таинства Крещѣнія пѣрвый совершителю.

Радуйся, Божѣственныя радосте вѣстниче; радуйся, Нѡваго Завѣта пѣрвый учителю.

Радуйся, великій Иоанне, Пророче, Предтече и Крестителю Господень.

Кондак 8.

Странное и неизреченное смиреніе воплотившагося Бѡга Слѡва видев, богоблаженне Крестителю, Божѣственную Свою главу приклонивша и рабское крещѣние приѣмша, ты и сам весь исполнился еси великаго смиренія. Испроси убо боголюбѣзную добродѣтель сию и нам, одержимым гѡрдостию, яко да от сѣрдца смиренна вопіем ему: Аллилуиа.





Икос 8.

Весь благодатных дарований исполненный, течение временная жизни скончавая, Иоанне богознамените, всех поучал еси исполнением Закона и покаянием благоугождати Господеви. Сего ради благодарственное хваление тебе, великому учителю истины, воспеваем:

Радуйся, Закона и оправданий Господних насадителю; радуйся, Иродова беззакония обличителю.


Радуйся, о исправлении того рачителю; радуйся, правды ради темничное заключение и узы претерпевый.

Радуйся, за истину во главу усеченный; радуйся, яко тело твоё от учеников твоих чёстне погребёся.

Радуйся, яко Божиим смотрением глава твоёя нетленна соблюдёся; радуйся, яко та на утешение, освящение и цельбы христианом дадёся.

Радуйся, яко и деснице твоёй, крестившей Господа, вёрнии благочёстне поклоняются; радуйся, яко от тебе многая чудеса теми донёне совершаются.

Радуйся, яко тобою вёрнии от страстей безчестия





избавляются; радуйся, яко тобою грешнии к покаянию воздвизаются.

Радуйся, великий Иоанне, Пророче, Предтече и Крестителю Господень.


Кондак 9.

Все естество ангельское удивися высоте служения твоего, и Церковь благоговейно прославляет тя, яко друга Христа Бога, предшедшаго пред Ним духом и силою Илииною. Ревнуя бо по истине, дерзновенно обличал еси фарисеев и беззаконнаго Ирода, от него же и мученическую кончину приял еси. Поклоняющися убо честней главе твоей, молимся ти: избави нас от страстей безчестия, да чистым сердцем и усты поем: **Аллилуиа.**

Икос 9.

Ветийство всякое земнородных не довлет достойно восхвалити тя, Иоанне богохвальне: тебе бо уста Христова похвалиша, высша пророков и больша всех рожденных женами ты наименоваша. Отнюдуже достойную похвалу принести тебе недоумевающе, вопием ти сицевая:

Радуйся, Церкви Христовы великая славо;
радуйся Ангелов предивное чудо.





Ра́дуйся, пра́отцев ра́дость и прославлéние;
ра́дуйся, проро́ков вы́сокая похвалó.

Ра́дуйся, апóстолов богосвётлый вéнче; ра́дуйся,
святítелей велелéпая красотó.

Ра́дуйся, мýчеников в нóвой благодáти начáло;
ра́дуйся, преподóбных совершéние.

Ра́дуйся, пра́ведных удобрéние; ра́дуйся,
дéвственников и пóстников основáние.

Ра́дуйся, всех христиáн вели́кое утешéние;
ра́дуйся, я́ко от всех христиáнских родóв íмя
твоé прославляется.


**Ра́дуйся, вели́кий Иоáнне, Проро́че, Предтéче и
Крестítелю Госпóдень.**

Кондак 10.

Спасти́ мир пришéдшаго во плóти Христа́ Бóга
благовести́л еси́ и сýщим во áде, я́коже бо денни́ца,
предходя́щая со́лнцу, освети́л еси́ во тьме и сéни
смёртней седя́щих. Отню́ду же вскóре Гóсподем из-
ведён был еси́ со все́ми от вéка пра́ведными, поя́ Емý,
я́ко Избáвителю и Победítелю смёрти: **Аллилу́иа.**

Икос 10.

Стенá еси́ и прибéжище спаси́тельное всем,
моли́твенно к тебé притека́ющим, божéственный





Иоáнне. Сего́ ра́ди пѣсньми похва́льными ублажа́ем тя си́це:

Ра́дуйся, мо́щный заступни́че наш и ве́рный от бед храни́телю; ра́дуйся, злостра́ждущих от ду́хов зло́бы ско́рый помо́щниче и избáвителью. Ра́дуйся, непло́дствующим благослове́ние от Бо́га низпосыла́я; ра́дуйся, притека́ющих к тебе́ с ве́рою от трево́лнения страсте́й избавля́я.

Ра́дуйся, во вражде́ су́щих ско́ро умиро́творяя; ра́дуйся, во вся́кой ну́жде и печа́ли усердно притека́ющим к тебе́ ско́рую по́мощь подава́я.

Ра́дуйся, благо́текущих от самообольще́ния и преле́сти изыма́я; ра́дуйся, вруча́ющим себе́ твоему́ ходата́йству в час сме́ртный помога́я.

Ра́дуйся, любя́щих тя от возду́шных мыта́рств предста́тельством твои́м свобо́ждая; ра́дуйся, почита́ющих сла́вную па́мять твою́ ве́чныя жи́зни моли́твами твои́ми сподо́бляя.

Ра́дуйся, ни́щих и вдови́ц и сирóт заступле́ние; ра́дуйся, по Бо́зе и Богоро́дице христиáном прибе́жище и упова́ние.

Ра́дуйся, вели́кий Иоáнне, Проро́че, Предте́че и Крести́телю Госпо́день.





Кондак 11.

Пѣние всякое не довлѣет по достоянію дѣблестей твоихъ восхвалити тя, Крестителю Господень. Но мы, любѣвию понуждѣни, дерзѣемъ воспевати величія твоѣ, ѣже мѣлостивно приими отъ насъ, первостоятелю у Престола Пресвятѣя Троицы, и моли свободитися намъ отъ всякія скверны греховныя, да чистымъ сѣрдцемъ и устнами поѣмъ Бѣгу: **Аллилуиа.**


Икос 11.

Светильника Свѣта непреступнаго и всесвѣтлыхъ благодѣтныхъ дарованій всего исполнена ты, Иоанне богопросвещенне, ведуще, радостно приносимъ ти такováя:

Радуйся, самовѣдче озарившаго ты свѣше Божественнаго Свѣта; радуйся, свѣтомъ добродѣтелей твоихъ прославивый Бѣга.

Радуйся, Пресвятѣя Троицы велелѣпую славу явивый; радуйся, правый и дивный путь къ небесѣ показавый.

Радуйся, и сущимъ во аде Бѣга, явльшагося во плоти, благовѣстителю; радуйся, душъ праведныхъ, отъ вѣка въ преисподней держимыхъ, возвеселителю.





Ра́дуйся, Влады́ки Христа́ Бо́га дру́же и́скрен-
ний; ра́дуйся, яви́вый ми́ру Свет и́стинный.

Ра́дуйся, светоза́рное све́та ева́нгельского
сия́ние; ра́дуйся, ро́да христиа́нскаго прослав-
ле́ние.

Ра́дуйся, Со́вета Бо́жия исполне́ние; ра́дуйся,
яко от восто́к со́лнца да́же до за́пад хва́льно
и́мя твоё.


**Ра́дуйся, вели́кий Иоа́нне, Проро́че, Предте́че и
Крести́телю Госпо́день.**

Кондак 12.

Благода́ти тезоименитый Крести́телю Госпо́день
и то́ю обогати́вся, победоно́сец пресла́вный пока-
за́лся еси́: победи́л бо еси́ враги́ и всякую зло́бу и
вели́кое служе́ние твоё му́ченическим по́двигом
запечатле́л еси́. Ны́не же, предсто́я Престо́лу
Ца́ря ца́рствующих, моли́ Егó дарова́ти ве́рным
побе́ды на враги́ и во всем благопоспеше́ние, в
добродете́лех же благода́тное укрепле́ние, пою́щим
ему́: Аллилу́иа.

Икос 12.

Пою́ще Бо́га, дивно́ в тебе́ просла́вляша́гося,
хва́лим тя, богоблаже́нне Крести́телю, яко́ и́скрен-





няго друга Христова, прославляем великия подви-
ги твоя, ублажаем мученическую кончину твою и
сицевая радостно вопием ти:

Радуйся, вселенский апостоле и Новаго Завета
первомучениче; радуйся, явлением Христа на
земли открывшагося Царствия Небеснаго пер-
вый проповедниче.

Радуйся, языков Божественное призвание
предвозвестивый; радуйся, безвестная и тайная
премудрости Божия миру явивый.

Радуйся, Божественными деянии плодосен
паче иных явивыйся; радуйся, яко светом дел
твоих прославися Отец Небесный.

Радуйся, яко о памяти твоей Церковь Христова
веселиши неизреченно; радуйся, яко ныне
вечнаго наслаждаешися веселия изобильно.

Радуйся, Божественными лучами Трисол-
нечнаго Света осияваемый; радуйся, яко со
безплотными Трисвятую песнь Богу немолчно
вопиеш.

Радуйся, яко ныне, зерцалом разрешшимся,
несредственно зриши Святую Троицу.

**Радуйся, великий Иоанне, Пророче, Предтече и
Крестителю Господень.**





Кондак 13.


О великий и преславный Предтече и Крестителю Господень Иоанне, прими от нас ныне приносимое тебе моление и твоими богоприятными к Богу молитвами избави нас от всякаго зла, и вечныя изми муки, и наследниками Царствия Небеснаго содейлай, да во веки поем Богу: Аллилуиа.

Этот кондак читается трижды.

Икос 1.

Архангел Гавриил, предстояй пред Богом послан бысть ко иерею Захарии, егда той, служа по чину чреды своея, вниде покадити в церковь Господню, и, представ одесную олтаря кадильнаго, благовествоваше о твоём рождестве, великий Иоанне, возвещая Захарии радость и веселие и яко мнози о рождестве твоём возрадуются. Сего ради и мы, дивному о тебе Божью благоволению чудящемуся и радующемуся, со благоговением в похвалу тебе вопием:

Радуйся, Совета Божия неизреченнаго тайнниче; радуйся, дивнаго смотрения Его исполнение. Радуйся, прежде лет многих пророчеством Исаии проявленный; радуйся, вестниче пред лицем Господним, древне прореченный.





Ра́дуйся, предназна́ченный бы́ти вели́ким проро́ком Вы́шняго; ра́дуйся, по обетова́нию А́нгела рождённы́й.

Ра́дуйся, ещё́ во чре́ве ма́тере твоея́ Ду́ха Свята́го испо́лненный; ра́дуйся, пре́жде рождества́ твоего́ на вели́кое служе́ние извещённы́й.

Ра́дуйся, непло́дства роди́телей разреше́ние; ра́дуйся, иере́я Бо́жия ра́дость и весе́лие.

Ра́дуйся, дще́ре Ааро́новы прозябе́ние; ра́дуйся, плод моли́твы богодарава́нны́й.

Ра́дуйся, вели́кий Ио́анне, Проро́че, Предте́че и Крести́телю Госпо́день.

Кондак 1.

Изра́нны́й от лет дрéвних бы́ти Предте́чею и Крести́телем Спаси́теля ми́ра Христа́ Бо́га, Ио́анне богохва́льне, прославля́юще просла́вльшаго тя Го́спода, похва́льная воспису́ем ти, я́ко бо́льшему всех рождённы́х жена́ми, во плóти а́нгелу, пока́яния пропове́днику. Ты же, я́ко имéяй véлие дерзнове́ние ко Го́споду, от вся́ких бед свобожда́я и к пока́янию воздви́жай нас, любóвию тебе́ зову́щих:

Ра́дуйся, вели́кий Ио́анне, Проро́че, Предте́че и Крести́телю Госпо́день.





МОЛИТВА.

Крестителю Христовъ, проповѣдниче покаянія, кающагося не презри мене, но совокупляясь с вои Небесными, молись ко Владыце за мене, недостойнаго (имя), унылаго, немощнаго и печальнаго, во многія бѣды впавшаго, утружденнаго бурными помысли ума моего. Аз бо есмь вертеп злых дел, отнюдь не имеяй конца греховному обычаю, пригвожден бо есть ум мой земнымъ вѣщамъ. Что сотворю? Не вемъ. И к кому прибегну, да спасена будет душа моя? Токмо к тебе, святыи Иоанне, благодати тезоимените, яко ты пред Господем по Богородице вемъ больша быти рожденныхъ всехъ, ты бо сподобился еси коснутися верху Царя Христа, вземлющаго грехи мира, Агнца Божия. Егже моли за грешную мою душу, да поне отныне, в первыйнадесять часъ, понесу тяготу благую и прииму мзду с последними. Ей, Крестителю Христовъ, честный Предтече, крайний Пророче, первый во благодати мучениче, постниковъ и пустынниковъ наставниче, чистоты учителю и ближний друже Христовъ! Ты молю, к тебе прибегаю: не отрини мене от твоего заступления, но возстави мя, низверженнаго многими грехи. Обнови душу мою покаяниемъ,



яко вторым крещением, понеже обою начальник еси: крещением омывая прародительный грех, покаянием же очищая когоса дело скверно. Очисти мя, грехами оскверненнаго, и понуди внити, аже ничтоже скверно входит, в Царствие Небесное. Аминь.

ВЕЛИЧАНИЕ.

Величаем тя, Предтече Спасов Иоанне, и чтим еже от неплодове// преславное рождество твое.